

die Sonn auffgeht anfahen/ vnd treiben das den ganzen tag fort/ lassend die stundē an der zahl auffwachssen/ bis das die selbig vndergeht/ darauff erkennen sie die lēnge des tags/ als dann zellē sie die nacht auch von der Sonnen vnder- bis zu deren auffgang/ weil ich aber der Sonnen auffgang mit ganzen stunden in diser meiner handlung zu Exempel hab gnommen/ vnd der minuten die noch von oder zugethan werden/ kein acht gehabt/ wirt volgen das die Nürenbergischen/ auch unsere stunden in dem \mathcal{B} zirkel/ auch dem \mathcal{V} / \mathcal{Z} vnd \mathcal{G} ein anderen zusreffen werden/ wie du dann hören wirst.

So du nun dein Instrument für die gemachte Sonnen vhr stelst/ vnd das klein scheiblin mit dem zeichentrager an den tracht steckst/ den Einial auff des Steinbocks lini haltst/ vnd als dann die neundte stund vnser vhr/ durch den außschnitt des scheiblins lassst scheinen/ als welches die erste erfüllte Nürenbergische stund ist/ laß als dann den Einial an die mauren schiessen/ der dir dann ein puncten machen thut/ da unsere neundte stund/ vnd der \mathcal{B} zirkel vber ein anderen schneiden/ vnd schreib darzu 1. als die erste stund/ also handle mit allen stunden/ als 2. 3. vnd 4. bis du zu der 4. stund vnserer vhr nach mittag kompst/ da schreib 8. als des tags lēnge.

Weiter nimb den zirkel der dem \mathcal{X} vnd \mathcal{M} zugeeignet ist/ da dann die Sonn am morgen vmb 7. vhren auffgeht/ vnd abends vmb 5. widerumb vnder/ rucke das scheiblin deines Instruments/ das dir unsere 8. stund dardurch scheine/ welches dann die erste erfüllte Nürenbergische stund ist/ so die Sonn in den obgenannten zeichen ist/ vnd laß den Einial an die maur schiessen/ der dir dann auff der lini \mathcal{X} vnd \mathcal{M} ein puncten machen wirt/ als welcher die erste stund zeigen wirt/ also fahre mit den vberigen stunden auch fort/ vnd schreib auch vber vhren die gebürende zahl darzu/ das du nit irz werddest/ nimb weiter den \mathcal{V} vñ \mathcal{Z} zirkel oder lini/ wann die Sonn in disem zeichen ist/ so geht sie morgē vmb 6. vhren auff/ vnd abends vmb 6. wider vnder/ laß dir die sibne vnser vhr durch das scheiblin scheinen/ vnd leg den Einial auff die gemeldten zeichen linien/ vnd laß den an die maur schiessen/ der dir auff dem zirkel oder lini des \mathcal{V} vnd \mathcal{Z} / vnd schreib darzu 1. als die erfüllte stund/ vnd fahre in gemeldtem zirkel fort von einer stund zu der anderen/ vnd schreib die gebürende zahl darzu bis auff 12. als des tags lēnge.